

Izveštaj o radu

Uprave policije MUP-a Kantona Sarajevo za period januar – mart 2014.godine

KRIMINALITET

Kriminalitet na području Kantona Sarajevo u periodu januar – mart 2014. godine u odnosu na isti period prethodne godine karakteriše smanjenje broja registrovanih krivičnih djela za 7,2%, prijavljenih lica za 10,5%, maloljetnih izvršilaca za 43,3%, povratnika u činjenju krivičnih djela za 4,1%, dok je povećan broj lica lišenih slobode za 6,6%.

STATISTIČKI PRIKAZ KRIMINALITETA

U periodu januar – mart 2014. godine, registrovano je 1.538 krivičnih djela, što je za 120 djela ili 7,2% manje nego u periodu januar – mart 2013.godine.

Tokom izvještajnog perioda ukupno je rasvijetljeno 997 krivičnih djela ili 64,8% što je za 1,2% manje u odnosu na uporedni period.

Za izvršenje navedenih djela prijavljena su 774 lica, od kojih je 531 povratnik u činjenju krivičnih djela (ili 68,6% prijavljenih), a 387 lica je lišeno slobode (ili 50%). U odnosu na uporedni period manji je broj prijavljenih lica za 91 (ili 10,5%) i povratnika za 23 (ili 4,1%), dok je povećan broj lica lišenih slobode za 24 (ili 6,6%).

KRIVIČNA DJELA PROTIV	januar -mart 2014.	janua r- mart 2013.	uporedba		„rasvijetljenost “ januar-mart 2014.	
			+/-	%	broj kd	%
Protiv života i tijela	38	38	0	isto	33	86,8%
Protiv slobode i prava čovjeka i građanina	46	69	-23	- 33,3	43	93,5%

				%		
Protiv spolne slobode i morala	2	1	1	100%	1	50%
Protiv braka, porodice i mladeži	69	61	8	13,1%	69	100%
Protiv zdravlja ljudi	94	53	41	77,4%	94	100%
Protiv privrede, poslovanja i sigur. platnog prometa	2	1	1	100%	2	100%
Protiv imovine	1133	1.246	-113	-9,1%	616	54,4%
Protiv okoliša, poljoprivrede i prirodnih dobara	0	3	-3	---	0	---
Protiv opće sigurnosti ljudi i imovine	29	28	1	3,6%	16	55,2%
Protiv sigurnosti javnog prometa	17	27	-10	-37%	17	100%
Protiv pravosuđa	10	7	3	42,9%	11	110% ¹
Protiv javnog reda i pravnog prometa	71	83	-12	-14,5%	68	95,8%
Protiv podmićivanja i krivična djela protiv službene i druge odgovorne dužnosti	0	4	-4	----	0	---
Privrede i jed. tržišta te kd iz obl. car. (KZBiH)	0	1	-1	----	0	---
Dogovor, prip., udruživanje i org. krim (KZBiH)	0	1	-1	---	0	---
ZONDINOM-a (Sl. novine Kantona	27	35	-8	-22,9%	27	100%

Sarajevo br.38/07)				%		
UKUPNO	1.538	1.658	-120	-7,2%	997	64,8%

KRIVIČNA DJELA PROTIV ŽIVOTA I TIJELA

U periodu januar – mart 2014. godine prijavljeno je 38 krivičnih djela protiv života i tijela (isti broj djela kao u uporednom periodu).

Zbog postojanja osnova sumnje da su počinili djela iz ove oblasti podneseni su službeni izvještaji protiv 41 lica (14 manje), a 19 je lišeno slobode (isti broj).

Evidentirana su slijedeća krivična djela: - ubistvo iz člana 166. KZFBiH-a – jedno djelo (isti broj djela), ubistvo u pokušaju – dva (dva manje), teška tjelesna ozljeda – 22 (jedno više), lahka tjelesna ozljeda – 12 djela (dva više) i učestvovanja u tuči – jedno djelo (jedno manje).

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 46 djela (23 manje) i to: - ugrožavanje sigurnosti – 43, protupravno lišenje - dva i narušavanje nepovredivosti doma – jedno djelo, a zbog izvršenja navedenih djela prijavljena su 44 lica od kojih su 32 povratnika u činjenju krivičnih djela (ili 72,7%), a 11 je lišeno slobode. Sva djela ugrožavanja sigurnosti počinjena su upućivanjem verbalnih prijetnji, pisanih - prijetećih poruka i sl.

KRIVIČNA DJELA PROTIV SPOLNE SLOBODE I MORALA

U oblasti krivičnih djela protiv spolne slobode i morala evidentirana su dva djela (jedno više) i to: prinuda na spolni odnošaj i bludne radnje – po jedno djelo.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 69 krivičnih djela (osam više) i to: nasilje u porodici – 68 djela i povreda porodičnih obaveza - jedno djelo. Službeni izvještaji podneseni su protiv 68 lica od kojih je 49 povratnika , a 42 su lišena slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 98 lica, zbog postojanja osnova sumnje da su počinili 94 krivična djela (41 više) i to:

neovlašćena proizvodnja i stavljanje u promet opojnih droga –18 djela (devet više)

posjedovanje i omogućavanje uživanja opojnih droga – 76 djela (32 više).

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv 25 lica zbog postojanja osnova sumnje da su u proteklom periodu neovlašćeno proizvodili, zatim kupovali opojnu („Amfetamin“, "Marihuanu" , „Heroin“, itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 73 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

Zbog zloupotrebe opojnih droga 53 lica su lišena slobode (24 više).

U ovom periodu podneseno je 39 zahtjeva (pet više) za vještačenje NN materije koja asocira na drogu po naređenju nadležnih tužilaca Kantonalnog tužilaštva Kantona Sarajevo. Takođe s ciljem pronalaženja narkotičkih sredstava izvršen je pregled 43 lica (dva više), 23 stana (osam više) i većeg broja automobila po usmenim naredbama Opštinskog suda u Sarajevu.

Pregled oduzete opojne droge

VRSTA OPOJNE DROGE	JANUAR-MART 2014. GODINE	JANUAR-MART 2013. GODINE
Marihuana (u gramima)	90	120
Marihuana (paketići)	51	26

Marihuana (JOINT - cigarete)	9	3
Heroin (paketići)	5	67
Heroin (u gramima)	12	30
Amfetamin (u gramima)	12.665,00	150
Amfetamin (paketići)	15	57
Kokain (paketići)	1	15
Hašiš (paketići)	2	1
Cannabis (stabljike)	89	---
Cannabis (sjeme – paketić)	1	---
Morfin - solucija	½ bočice	---
Fluotman - solucija	½ bočice anestetik	---
Morapid (tablete)	37	---
Kapanol (tablete)	8	---
pribor sa ostacima droge (kom.)	25	22

U izvještajnom periodu pripadnici Uprave policije sproveli su niz efikasnih akcija na presijecanju "lanaca" trgovine opojnim drogama, što je rezultiralo zaplijenom veće količine opojne droge Amfetamin – preko 12,5 kg, identifikacijom i lišenjem slobode 25 lica (14 više u odnosu na uporedni period) iz člana 238. KZ FBiH-a – Neovlašćena proizvodnja i stavljanje u promet opojnih droga.

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ registrovana su dva krivična djela i to: krivotvorenje kreditnih i ostalih kartica bezgotovinskog plaćanja i izrada, nabavka, posjed i davanje na upotrebu sredstava za krivotvorenje - po jedno djelo za čije je izvršenje prijavljeno jedno lice.

Takođe, od strane službenika Odjeljena za privredni kriminal tokom prva tri mjeseca 2014. godine, zadokumentovana su i krivična djela koja su u vezi sa „privrednim kriminalom“, a svrstana su u druge Glave KZFBiH-a i to: prijevarena – tri djela, krivotvorenje isprave – dva, krađa i ovjeravanje neistinitog sadržaja – po jedno djelo.

KRIVIČNA DJELA PROTIV IMOVINE

U oblasti krivičnih djela protiv imovine registrovana su 1.133 djela što je za 113 djela ili 9,1% manje u odnosu na uporedni period.

Najbrojnija djela iz ove oblasti su: teške krađe – 626 (140 manje), krađe – 193 (21 više manje), razbojništva – 175 (šest više), oštećenje tuđe stvari – 45 (isti broj djela), teška krađa u pokušaju – 22 (jedno više), prijevarena – 31 (13 više), prikriivanje – 14 (pet više), itd.

Ukupno je 616 djela iz ove oblasti rasvijetljeno ili 54,4% što je za 1,5% manje.

Objekti napada pri vršenju krivičnih djela protiv imovine najčešće su bila motorna vozila (otuđenja pmv i “provale” u ista) - 321 (25 više), stambeni objekti – 182 puta (116 manje), poslovni prostori i prodavnice – 95 (43 manje), itd., pri čemu su otuđivana motorna vozila, novac, nakit, tehnička roba, prehrambeni proizvodi, cigarete, građevinski materijal, itd.

U prva tri mjeseca ove godine na području Kantona Sarajevo izvršeno je 206 krivičnih djela teških krađa motornih vozila, od čega je 47 ili 22,8% vraćeno (od strane policije MUP Kantona Sarajevo vraćena su 20 vozila, MUP RS-a – 12, drugih MUP-ova – dva vozila, uz novčanu nadoknadu - jedno, a 12 vozila vlasnici su sami pronašli).

U odnosu na uporedni period broj otuđenih vozila povećan je za 58 ili 39,2%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 10 lica (31 manje), a zbog postojanja osnova sumnje da je počinio krivično djela iznude novca za otkup ukradenih vozila podnesen je službeni izvještaji protiv jednog lica (dva manje).

Na području Kantona Sarajevo u periodu januar – mart ove godine registrovano je 175 djela razbojništva (šest više).

Razbojništva su počinjena u prodavnicama - 88 puta (četiri više), u sportskim kladionicama – 49 (36 više), na ulici – 25 puta (23 manje), na benzinskim pumpama - četiri (jedno više), itd.

Navedena djela izvršena su upotrebom i prijetnjom upotrebe vatrenog oružja – 89 puta (12 više), prijetnjom i upotrebom noža ili drugog oštrog predmeta (komad stakla, šrafciiger i sl.) –

59 (šest više) i upotrebom fizičke snage - 27 puta (12 manje). Otudivan je novac, mobiteli, tašne, nakit, umjetničke slike, prenosni računari, motorno vozilo, itd.

Ukupno je rasvijetljeno 75 ovih djela ili 42,8% što je za 8,7% manje u odnosu na isti period 2013. godine.

Broj teških krađa na naročito opasan ili naročito drzak način u periodu januar-mart 2014. godine znatno je smanjen. Naime, evidentirano je 35 djela ove vrste što je za 27 ili 43,5% manje. Ukupno su rasvijetljena 43 ova djela (od čega je 31-no djelo iz ranijeg perioda).

Za izvršenje ovih oblika teških krađa, prijavljeno je 13 lica, od kojih je 11 povratnika, a osam je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 29 djela (jedno više) i to: izazivanje opće opasnosti – 28 djela i nesavjesno čuvanje pasa i drugih opasnih životinja - jedno djelo.

Krivična djela izazivanja opće opasnosti izvršena su na otvorenom prostoru – 26 puta, u garaži i poslovnom objektu – po jednom. U pet slučajeva aktivirana je nepoznata eksplozivna naprava, devet puta je pucano iz vatrenog oružja i u 14 slučajeva je otvorenim plamenom izazvan požar. Posljedica izvršenja navedenih djela je ranjavanje tri lica i nastala materijalna šteta.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 18 lica, od čega je 10 povratnika, a 13 je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 71 krivično djelo (12 manje) i to: nasilničko ponašanje - 25 djela (sedam manje), nedozvoljeno držanje oružja ili eksplozivnih materija – 14 (četiri manje), napad na službenu osobu u vršenju poslova sigurnosti – 13 (jedno više), krivotvorenje isprave – 13 (peta više), skidanje ili povreda službenog pečata ili znaka – dva (jedno manje), itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 76 lica, od kojih je 47 povratnika ili 61,8%, a 35 je lišeno slobode.

KRIVIČNA DJELA POČINJENA OD STRANE MALOLJETNIH IZVRŠILACA

U periodu januar- mart 2014. godine prijavljena su 34 maloljetnika zbog osnova sumnje da su izvršili 59 krivičnih djela. U poređenju sa istim periodom 2013. godine, broj krivičnih djela za čije izvršenje su prijavljena maloljetna lica smanjen je za šest ili 9,2%, a broj prijavljenih maloljetnih učinilaca ovih djela smanjen je za 26 ili 43,3%.

Pregled broja maloljetnih izvršilaca krivičnih djela za period januar-mart 2014. godine, prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
Broj maloljetnih izvršilaca	6	16	12	34

Među maloljetnim učinocima krivičnih djela, najveći broj je u dobi od 17 godina, dok je povratnika u izvršenju krivičnih djela bilo 16 (ili 47,1%).

Najbrojnija krivična djela za čije izvršenje su prijavljeni maloljetnici su djela protiv imovine - 42 (ili 71,2%), pri čemu prevladavaju teške krađe (18) i razbojništva (devet). U odnosu na isti period prošle godine, povećan je broj krivičnih djela razbojništva, dok je broj teških krađa na naročito drzak i opasan način, kao i broj krađa smanjen. Broj teških krađa ostao je isti.

Pored toga, policijski službenici su podnijeli dva službena izvještaja protiv maloljetnih lica zbog osnova sumnje da su izvršili krivično djelo nanošenja teške tjelesne ozljede, šest zbog posjedovanja opojne droge na javnom mjestu, četiri zbog napad na službenu osobu u vršenju poslova sigurnosti, dva zbog učestvovanja u grupi ljudi koja učini krivično djelo, itd.

Pregled registrovanih krivičnih djela izvršenih od strane maloljetnih lica u periodu januar-mart 2014/2013. godine

Naziv krivičnog djela	januar- mart 2014.	januar- mart 2013.	+ - %
Ubistvo-pokušaj	0	1	
Teška tjelesna povreda	2	5	-60,0
Učestvovanje u tuči	0	1	
Ugrožavanje sigurnosti	0	4	
Nasilje u porodici	1	0	
Posjedov. i omoguć. uživanja opoj. droga	6	2	+200,0
Krađa	1	7	-85,7
Teška krađa	18	18	0,0
Teška krađa-pokušaj	4	4	0,0
“Drska “ krađa	5	10	-50,0
Razbojništvo	9	6	+50,0
Razbojništvo-pomaganje	1	0	
Razbojništvo-pokušaj	1	0	
Utaja	0	1	
Oštećenje tuđe stvari	3	1	+200,0
Izazivanje opće opasnosti	1	0	
Učestvovanje u grupi ljudi koja učini krivično djelo	2	0	
Napad na službenu osobu u vršenju poslova sigurnosti	4	2	+100,0
Nasilničko ponašanje	1	3	-66,7

ukupno	59	65	-9,2
--------	----	----	------

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu januar-mart 2014. godine na području Kantona Sarajevo registrovano je šest slučajeva aktiviranja minsko-eksplozivnih sredstava (u istom periodu 2013. godine četiri), od kojih je pet imalo obilježja krivičnog djela izazivanja opće opasnosti. U jednom slučaju su prilikom izvođenja radova na lokalnom putu, na području Trebevića, usljed aktiviranja nepoznate eksplozivne naprave, dva lica zadobila teške, a dva lahke tjelesne ozljede. U drugom slučaju je jedno lice zadobilo tešku tjelesnu ozljedu nakon što je aktiviralo ručnu bombu i protiv ovog lica su preduzete zakonske mjere. U četiri slučaja aktiviranja eksplozivne naprave, gdje su učinioci nepoznati, nastupila je materijalna šteta na poslovnim i stambenim objektima, te na putničkim vozilima.

Policijski službenici su rasvijetlili slučaj aktiviranja eksplozivne naprave u dvorištu kuće na području općine Stari Grad, iz oktobra 2013. godine. Protiv izvršioca (B.K.-1994.) podnesen je službeni izvještaj nadležnom tužilaštvu zbog osnova sumnje da je izvršio krivično djelo izazivanja opće opasnosti (čl. 323 KZ FBiH)

U proteklom tromjesečju ove godine registrovane su četiri anonimne dojave o postavljenim eksplozivnim napravama (u istom periodu 2013. godine tri), koje su se odnosile na dvije srednje škole, te poslovni i ugostiteljski objekat. Nakon KDZ pregleda utvrđeno je da su dojave bile lažne.

POŽARI

Tokom prvog tromjesečja 2014. godine, na području Kantona Sarajevo registrovano je 59 požara (33 manje) u kojima je jedno lice poginulo.

Prema statističkim pokazateljima, 18 požara je izazvano namjerno, šest zbog tehničkih nedostataka, jedan je prouzrokovan nehatom, dok uzroci 34 požara spadaju u kategoriju ostalih.

Inspektorat za zaštitu od požatra izvršio je 111 inspekcijskih pregleda i to: 60 redovnih inspekcijskih pregleda, 29 kontrolnih i 22 po zahtjevu stranaka.

SAMOUBISTVA

U prva tri mjeseca 2014. godine na području Kantona Sarajevo registrovano je sedam samoubistava (dva manje), koja su izvršena vješanjem - četiri puta, skokom sa visine – dva i pucanjem iz vatrenog oružja – jednom.

Prema spolu, izvršioci su šest muškaraca i jedna žena, od kojih je jedno lice u dobi do 20 godina, tri u dobi od 20 do 50 godina i tri lica preko 50 godina života.

JAVNI RED I MIR

U periodu januar-mart 2014 godine zbog raznih oblika narušavanja javnog reda i mira policijski službenici su uručili/podnijeli 1.255 prekršajnih naloga i zahtjeva za pokretanje prekršajnog postupka (naloga-897, zahtjeva-358), što u odnosu na isto tromjesečje 2013. godine predstavlja povećanje za 118 ili 10,4%. Prekršajne sankcije preduzete su protiv 1.334 lica (100 ili 8,1% više).

Na prekršaje utvrđene Zakonom o prekršajima protiv javnog reda i mira odnosi se 1.167, dok se 88 naloga i zahtjeva odnosi na prekršaje koji su regulisani Odlukom općinskih vijeća.

Najveći broj prekršajnih sankcija odnosi se na prekršaje učinjene prosjačenjem (49,2%).

Tabelarni pregled broja uručenih/podnesenih naloga i zahtjeva za period januar-mart 2014. godine

period	prekršajni nalozi	zahtjevi za ppp	ukupno
januar	404	119	523
februar	229	113	342
mart	264	126	390
ukupno	897	358	1.255

Od ukupnog broja prekršajnih sankcija, 187 ili 14,9% odnosi na lica koja su i ranije činila prekršaje (povratnici), 14 na maloljetna lica, a četiri na strane državljane.

Najveći broj učinilaca prekršaja je u starosnoj dobi preko 36 godina -656, zatim između 26 i 35 godina- 376 i između 19 i 25 godina- 280, dok je maloljetnih lica bilo 22. Maloljetnici su u najvećem broju slučajeva sankcionisani zbog učestvovanja u tučama, a lica starosne dobi preko 36 godina najbrojniji su u prekršajima učinjenim prosjačenjem, tučama i naročito drskim ponašanjem.

Prilikom narušavanja javnog reda i mira u periodu januar-mart 2014. godine, u slučajevima kada se radilo o prekršajima, teže su povrijeđena dva lica (u istom periodu 2013. godine nijedno), dok je lakše povrijeđeno 79 lica (šest ili 7,1% manje).

Posmatrano po općinama, a imajući u vidu broj prekršajnih sankcija, javni red i mir

najčešće je narušavan na području općina Centar, Novo Sarajevo i Novi Grad, s tim da je potrebno naglasiti da su prekršaji koji su učinjeni prosjačenjem znatno uticali na brojnost prekršajnih sankcija preduzetih od strane policijskih stanica Stari Grad i Centar gdje je ovaj oblik narušavanja javnog reda i mira najizraženiji (Stari Grad-324 Centar-178).

Od ukupno 1.255 prekršaja protiv javnog reda i mira, najbrojnija su prosjačenja-618 (ili 49,2%); tuče -157 (ili 12,5); naročito drsko ponašanje -139 (ili 11,1%); odbijanje naređenja i omalovažavanje policijskih službenika -101 (ili 8,0%); svađa, vika i nepristojno ponašanje -17, paljenje petardi-pet, te ostali prekršaji iz Zakona o prekršajima protiv javnog reda i mira-130. Na prekršaje utvrđene Odlukom općinskih vijeća odnosi se 88 naloga i zahtjeva.

U odnosu na isti period 2013. godine, u proteklom tromjesečju povećan je broj prekršajnih sankcija zbog narušavanja javnog reda i mira naročito drskim ponašanjem, odbijanjem naređenja i omalovažavanjem policijskih službenika, te prosjačenjem.

Prema mjestu izvršenja, a na osnovu broja uručenih naloga i podnesenih zahtjeva, najveći broj prekršaja učinjen je na ulici i na drugim otvorenim prostorima -1.112 (ili 88,6%), a znatno manje na ostalim mjestima:

-ugostiteljski objekti -30 prekršaja;

-škole i školska dvorišta -7;

-trgovinske i zanatske radnje -5;

-vozila javnog saobraćaja -4;

-sportski stadioni i dvorane -2 i

-ostala mjesta -95.

U proteklom tromjesečju ove godine, u odnosu na isti period 2013. godine, povećan je samo broj prekršaja izvršenih na ulici i drugim otvorenim prostorima, dok je na svim ostalim mjestima broj prekršaja smanjen.

Pored prekršajnih sankcija zbog prekršaja izvršenih u školama i školskim dvorištima, policijski službenici su zbog krivičnih djela izvršenih na ovom lokalitetu, nadležnom tužilaštvu podnijeli tri službena izvještaja (u istom periodu 2013. godine 14) zbog dva krivična djela krađe i jednog djela teške krađe.

Policijski službenici su učestvovali u osiguranju 444 javna skupa koja su održana na području Kantona Sarajevo u proteklom tromjesečju (90 više u odnosu na prvo tromjesečje 2013. godine), a u 50 slučajeva izvršeno je KDZ osiguranje ovih skupova (41 manje).

Do narušavanja javnog reda i mira u većem obimu došlo je prilikom održavanja nogometne utakmice između FK „Sarajevo“ i FK „Željezničar“, dana, 26.3.2014. godine na stadionu „Asim Ferhatović Hase“, na taj način što su navijači koji su se nalazili na južnoj tribini stadiona počeli lomiti i bacati stolice i druge tvrde predmete u pravcu policijskih službenika koji su osiguravali ovu utakmicu. Policijski službenici su ograničenom intervencijom potisnuli navijače udaljavajući ih od stadiona i sprečavajući direktne sukobe između navijača oba tima. Međutim, nasilničko ponašanje grupe navijača nastavljeno je i ispred stadiona, kao i tokom njihovog udaljavanja ulicom Alipašina kada su počeli sa izvlačenjem kontejnera na saobraćajnicu, uništavanjem saobraćajnih znakova i napadima na policijske službenike.

Ovom prilikom povrijeđeno je 11 policijskih službenika, od kojih je jedan teško povrijeđen, dok je 10 zadobilo lakše tjelesne povrede, a oštećeno je i službeno vozilo MUP-a Kantona Sarajevo.

PROTESTI GRAĐANA

Policijski službenici MUP-a Kantona Sarajevo su u proteklom tromjesečju 2014. godine profesionalno, planski i u skladu sa Zakonom, poštujući sva prava građana, vršili osiguranje protestnih okupljanja građana. U većini slučajeva protesti su protekli bez ozbiljnijih incidenata. Međutim, protesti koji su otpočeli 07. februara ove godine, ispred zgrade Vlade Kantona Sarajevo u kojima je učestvovalo nekoliko hiljada građana prerasli su u napade na policijske službenike i uništavanje objekata, putničkih motornih vozila i saobraćajne infrastrukture, te činjenje teških krađa u poslovne i trgovinske objekte. Usljed nasilničkog ponašanja grupa i pojedinaca povrijeđeno je 144 policijskih službenika, od kojih su 132 lakše,

a 12 teže povrijeđena, a od ovog broja teže povrijeđenih njih 6 je zadržano na daljem liječenju. Tri službena motorna vozila su znatno oštećena, te velika količina opreme. Također, povrijeđeno je i 138 protestanata.

Oštećeno je i zapaljeno više objekata, zgrada općine Centar, Vlade Kantona Sarajevo, Predsjedništva BiH i Ministarstva vanjskih poslova. Zapaljeno je i više putničkih motornih vozila koja su bila parkirana u neposrednoj blizini. O svim događajima obaviješteno je Kantonalno tužilaštvo u Sarajevu i Tužilaštvo Bosne i Hercegovine čiji tužitelji su rukovodili uviđajima na mjestu događaja. Policijski službenici MUP-a KS su protiv 39 izgređenika – učesnika protesta, podnijeli službene izvještaje nadležnom tužilaštvu zbog osnova sumnje da su počinili sljedeća krivična djela: učestvovanje u grupi ljudi koja učini krivično djelo (čl. 341 KZ FBiH), nasilničko ponašanje (čl. 362 KZ FBiH), napad na službenu osobu u vršenju poslova sigurnosti (čl. 359 KZ FBiH), sprečavanje službene osobe u vršenju službene radnje (čl. 358 KZ FBiH), oštećenje tuđe stvari (čl. 293 KZ FBiH) i teška krađa (čl. 287 KZ FBiH) .

Protesti su nastavljeni i u toku mjeseca februara i marta ove godine, ali tom prilikom nije bilo ozbiljnijih incidenata niti narušavanja javnog reda i mira u većem obimu. Protestanti su svakodnevno mjesec dana u isto vrijeme blokirali najprometniju raskršnicu u centru grada i tako onemogućili normalno odvijanje saobraćaja. Početkom mjeseca marta ove godine, policijski službenici su u cilju nesmetanog odvijanja saobraćaja i normalizovanja stanja, bez upotrebe sile spriječili dalju blokadu saobraćajnica, tako da su protesti nastavljeni na trotoaru preko puta Predsjedništva BiH. Tom prilikom, svakodnevno se okuplja u prosjeku oko 50 građana, a protesti se odvijaju bez incidenata.

SAOBRAĆAJ

Tokom prvog tromjesečja 2014. godine, stanje sigurnosti saobraćaja karakteriše povećanje ukupnog broja saobraćajnih nezgoda, nezgoda sa materijalnom štetom i nastradalim licima, te broja povrijeđenih lica, dok je smanjen broj poginulih lica.

Registrovano je 2.365 saobraćajnih nezgoda (14 ili 0,6 % više), 2.171 sa materijalnom štetom (sedam ili 0,3 % više) i 194 sa nastradalim licima (sedam ili 3,7 % više).

U saobraćajnim nezgodama na području Kantona Sarajevo 251 lice je nastradalo (osam ili 3,3 % više). Pet lica je poginulo (jedno ili 16,7 % manje), dok je 246 lica povrijeđeno (devet ili 3,8 % više), 37 teže i 209 lakše.

Među poginulim licima, tri su pješaka, jedan vozač i jedan putnik.

Od ukupno 246 povrijeđenih lica, 120 je vozača (28 više), putnika – 73 (isti broj) i pješaka - 53 (19 manje). Kada je u pitanju stepen povreda, devet vozača je teže, a 111 lakše povrijeđeno, osam putnika je teže, a 65 lakše povrijeđeno, dok je 20 pješaka teže i 33 lakše povrijeđena.

U naselju je registrovano 2.256 saobraćajnih nezgoda (četiri sa poginulim, 177 sa povrijeđenim licima i 2.075 sa materijalnom štetom), van naselja 109 nezgoda (jedna sa poginulim, 12 sa povrijeđenim licima i 96 sa materijalnom štetom).

Registrovane su 643 saobraćajne nezgode na raskrsnicama u naselju, 16 na raskrsnicama van naselja, 16 na nadvožnjaku, 10 na prelazu preko željezničke pruge, tri na pješačkom prelazu i 1.677 saobraćajnih nezgoda čije se karakteristike puta ubrajaju u kategoriju ostalih.

Uporedni pokazatelji sigurnosti saobraćaja na području Kantona Sarajevo

januar-mart 2014/2013 godine

	2014	2013	+, -, %
UKUPNO SAOBRAĆAJNIH NEZGODA	2.365	2.351	+ 14 ili 0,6 %
Saobraćajne nezgode sa nastradalim licima	194	187	+ 7 ili 3,7 %
Saobraćajne nezgode sa materijalnom štetom	2.171	2.164	+ 7 ili 0,3 %
POGINULO LICA	5	6	- 1 ili 16,7 %
- vozači	1	2	- 1 ili 50 %
- putnici	1	1	isto
- pješaci	3	3	isto
POVRIJEĐENO LICA	246	237	+ 9 ili 3,8 %
- vozači	120	92	+ 28 ili 30,4 %
- putnici	73	73	isto
- pješaci	53	72	-19 ili 26,4 %

Broj nastradalih lica u saobraćajnim nezgodama po kategoriji učesnika

januar-mart 2014/2013. godine

	POGINULI			TEŠKO POVRIJEĐENI			LAKŠE POVRIJEĐENI		
	2014	2013	+ ,-, %	2014	2013	+ ,-, %	2014	2013	+ ,-, %
VOZAČI	1	2	- 1 ili 50 %	9	6	+ 3 ili 50 %	111	86	+ 25 ili 29,1 %
PUTNICI	1	1	isto	8	4	+ 4 ili 100 %	65	69	- 4 ili 5,8 %
PJEŠAČI	3	3	isto	20	18	+ 2 ili 11,1%	33	54	- 21 ili 38,9 %
UKUPNO	5	6	- 1 ili 16,7 %	37	28	+ 9 ili 32,1 %	209	209	isto

Starosna struktura lica povrijeđenih u saobraćajnim nezgodama je sljedeća: od 31 do 40 godina – 53 lica, od 41 do 50 godina – 46 lica, od 25 do 30 godina – 39 lica, od 21 do 24 godine – 30 lica, od 51 do 65 godina – 28 lica, 66 i više godina - 15 lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 1.902 (dva lica poginula i 140 povrijeđeno), neprilagođena brzina- 393 (dva lica poginula i 88 lica povrijeđeno), uticaj alkohola – 67 (jedno lice poginulo i 15 lica povrijeđeno), odron na putu - dvije saobraćajne

nezgode sa materijalnom štetom i uticaj opojnih droga – jedna saobraćajna nezgoda (tri lica povrijeđena).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 50.675 vozila (14.441 manje).

Zbog tehničke neispravnosti, iz saobraćaja je isključeno 150 vozila (69 više), 910 vozača je zatečeno da upravlja vozilom pod dejstvom alkohola (778 manje), 2.780 bez korištenja sigurnosnog pojasa (971 manje), 716 bez položenog vozačkog ispita (osam manje), a 468 vozača je učestvovalo u saobraćaju bez važeće registracije (154 manje).

Zbog kršenja propisa iz oblasti sigurnosti saobraćaja uručeno je 37.570 prekršajnih naloga vozačima (4.704 manje), podnesena 322 zahtjeva za pokretanje prekršajnog postupka (tri više) i registrovano 17 krivičnih djela zbog ugrožavanja sigurnosti javnog prometa (10 manje).

MIRUJUĆI SAOBRAĆAJ I KONTROLA PJEŠAKA

Tokom prvog tromjesečja 2014. godine, pripadnici Uprave policije su uručili 11.958 prekršajnih naloga vozačima koji nisu poštivali saobraćajne propise prilikom parkiranja (342 manje u odnosu na isti period prošle godine), upozorili 1.198 vozača (371 manje), a specijalnim vozilom „pauk“ su premještene su 753 vozila (128 manje). Zahtjeva za pokretanje prekršajnog postupka nije bilo.

ZAKONITOST U RADU

Tokom prvog tromjesečja 2014. godine, registrovano je 13 napada na policijske službenike (isto kao kao u uporednom periodu). U napadima je učestvovalo 48 lica, među kojima su dva maloljetnika. U napadima je povrijeđeno 148 policijskih službenika, od čega 12 teže i 136 lakše.

Službenici policije su tokom izvještajnog perioda 18 puta opravdano upotrijebili silu.

Tokom prvog tromjesečja 2014. godine, registrovano je 100 predstavki, među kojima je za 32 predstavke (10 više) data saglasnost za sprovođenje unutrašnjih istraga, za 66 je donesen zaključak da su neosnovane, dok su u dva slučaja predstavke pripojene već otvorenoj istrazi.

Postupano je po 17 predstavki iz ranijeg perioda tako da je razmatrano ukupno 49 predstavki (četiri manje).

Okončano je 26 predstavki, među kojima je 13 osnovanih, dvije su neosnovane, u osam slučajeva nije bilo dovoljno dokaza, u dva slučaja predstavke su oslobađajuće, dok je u jednom slučaju postupak obustavljen.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE I AKCIJE "ŽETVA 2014."

U periodu januar – mart 2014. godine evidentirano je 27 krivičnih djela koja su regulisana Zakonom o nabavljanju, držanju i nošenju oružja i municije (osam manje), počinjenih od strane 27 izvršilaca, od kojih je devet lišeno slobode.

Od strane Policijskih uprava fizičkim licima izdato je 120 odobrenja za nabavku vatrenog oružja (42 manje) i 188 oružnih listova (106 više).

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeto je: 14 pištolja, 13 pušaka, 55 noževa ili drugih oštih predmeta, pet boksera, tri ručne bombe, 32 kom. petardi, 1.280 kom. municije različitog kalibra, itd.

U ovom periodu organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovala u realizaciji akcije "ŽETVA 2014" s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji između ostalog prikupljeno je slijedeće naoružanje:

ručne bombe – 14 komada.,

mine, trombloni, granate i sl – 15 kom.,

pištolji – dva kom.,

municija raznog kalibra – 356 komada., itd.

Sarajevo, 24.04.2014.godine

MUP Kantona Sarajevo

Odsjek za odnose s javnošću

